



嬰童百問卷之九

第八十一問虛羸

仲陽云虛羸者脾胃不和不能乳食致使肌膚瘦弱亦因大病或吐瀉後脾胃尚弱不能傳化穀氣也有冷者時時下利唇口青白有熱溫壯身熱肌肉微黃此冷熱虛羸也冷者木香圓主之夏月不可服如有此證則少服之熱者胡黃連圓主之冬月不可服如有此證則少服之傷寒後虛羸者竹葉湯主之常服四君子湯異功散參苓白朮散之劑皆可服也橘連圓久服充肥兼服肥兒圓

木香圓

方見七十九問

胡黃連圓

同前問

竹葉湯

方見五十一問

四君二湯

方見十六問

異攻散

方見十七問

參苓白朮散

治脾胃虛弱飲食不進多困少力煩滿痞噎心

忪氣喘嘔吐泄瀉及傷寒咳嗽此藥中和不熱

久服養氣育神醒脾悅色順正辟邪

白扁豆

一斤半姜汁浸去皮微炒

人參去蘆

白茯苓

白朮

甘草炙

山藥各二斤

蓮肉

桔梗

薏苡仁

縮砂仁各一斤

減 右為細末每服二錢棗湯調下小兒量大小加

橘連圓

治瘦久服消食 和氣長肌肉

陳橘皮

黃連各一兩去鬚

右為細末別研入麝香半錢用猪膽七箇分藥入膽內將水煮候臨熟以針微割破以熟為度

取出以粟米粥和圓如菜豆大每服二三十圓
米飲下量大小與之無時

肥兒圓

方見七十九問

保孺圓

快活圓

治脾胃虛弱雖進乳食則遲化而中滿嘔吐肚
急面黃肚疼臟腑不調寬中快膈亦治大人十
噎五膈並宜服之

檀香

益智

蓬朮

各半兩

三稜

兩

砂仁

薑黃

甘松

白豆蔻

甘草

各一兩半

陳皮

七錢

香附子

三兩

右為末滴水圓麻子大每三十五十圓薑湯白
湯任下

第八十二問胃氣不和虛冷

仲陽云胃氣不和面眇白無精光口中氣冷不思食
吐水肌瘦虛弱腹痛當補脾益黃散主之凡人以胃
氣為本惟治病亦然胃氣有虛有實虛則有嘔吐不
食之證實則有痞滿內熱之證虛者益之實者損之
欲得其平則可矣平胃散觀音散銀白散壯胃之膈

不可缺也

元靈黃散

方見第八問

平胃散

治脾胃不和不思飲食心腹脇肋脹滿刺痛口苦無味胃滿短氣嘔噦惡心噯氣吞酸面色痿黃體弱肌瘦怠惰嗜臥體重節痛常多自利霍亂痞噎膈氣翻胃並宜服之

厚朴

去粗皮水浸一宿剉薑汁製炒五十兩

甘草

剉炒十兩

陳皮

去白十兩

蒼朮

去粗皮米泔浸一日焙乾五斤炒

右為末每服二錢水一盞薑二片棗二箇煎七

分去棗薑熟服食前入鹽一捻沸湯點服亦得常服調氣暖胃化宿食消痰飲辟風寒暑濕四時非節之氣

觀音散

方見六十問

銀白散

方見十六問

第八十三問食積冷熱

巢氏云夫宿食不消者脾胃冷故也小兒乳哺飲食取冷過度冷氣積於脾胃胃為水穀之海脾氣磨而消之胃氣調和則乳哺消化脾傷於冷則宿食不消脉沉者傷食不化故也亦有傷乳傷食而身熱者惟

肚腹之熱惟甚人之傷積肚熱糞極酸臭而夜間有熱傷積之明驗人所未曉也冷者消食圓木香圓夜間有熱天明復涼乃是傷寒夾食失解故也當服白餅子先與微利次與參蘇飲發熱地骨皮飲秦艽散退熱而安有實熱者大柴胡湯去大黃亦可服傷寒論人病有宿食何以別之師曰寸口脉浮而大按之反澁故知有宿食當下之宜大承氣湯其喘而發熱者紫霜圓主之冷證用進食圓尤佳亦治食厥乃四肢逆冷面色青黑是也或當吐而甦有痰者溫膽湯加減服痰定而嘔自痊冷證丁香圓可服白餅子下

痰亦可

消食圓

方見五十四及六十四問

木香圓

方見四十六問

丁香圓

第八十四問虛實腫脹

議曰腫脹二證此由虛中有積久患失治日漸傳變證候多端隨輕重察盛衰審表裏以主治先固其本後正其標斯無恙矣有濕腫毒氣腫傷寒虛腫瀉痢虛腫氣血虛腫有疝脹氣脹癥積脹鎖肚脹腕膈脹食膨脹蛔氣脹虛冷積脹以上腫脹虛積並當下之

各有其法其受濕於胃久不剋化氣浮四肢頭面
皆腫食毒氣由脾胃傷之冷積毒氣停留於胃脘致
虛入腹作腫傷寒由下之太早乘虛入腹作腫瀉利
之人脾氣亦虛是以致腫以上宜平調胃氣補臟充
實方可去腫其血氣虛腫皆由榮衛不順臟腑怯弱
壅滯三焦流注百脈表裏俱虛邪正相亂以致四肢
浮腫腹肚膨滿以上先調榮衛之順次服分氣以散
之其痞氣積脹宜先與保童當兼塌氣以去之其痞
癖氣脹癥積脹宜三稜以消痞其鎖肚脹宜與珍珠
天麻圓以通之其上膈中脘食傷膨脹宜三稜塌氣

大柴連圓以消磨之其蛔脹宜下蟲圓以化之其虛
冷積脹宜沉香煎以溫之以上諸證宜調和胃氣消
磨通利腫脹必然平復矣如有熱者必以葶藶牽牛
等輩以治之推氣圓劑亦可用

分氣飲

治小兒腫脹作喘氣短而急

桔梗

赤茯苓

陳皮

桑白皮

大腹皮

枳殼

半夏

真蘇子

紫蘇

甘草

草果仁

右列散每服一錢生薑棗煎服

五疳保童圓

治五種疳疾

五倍子生

青黛

夜明沙布裏洗

苦楝根皮蘆會

熊膽研入

黃連去毛

龍膽草生用

乾蟾酥炙去皮骨

麝香研入

蕪荑取仁

蟬退去土各等分

右末用粟米糊為圓麻子大一歲兒二十圓飯

飲下二三服

楊氏塌氣散

治小兒腹脹氣喘體腫面浮

陳米一合炒黃

青皮去穢巴豆二十一粒炒黃色去巴豆

甘草炙谷

黑牽牛二錢半半生半炒

肉豆蔻二箇煨香

右末半錢米飲調下加檳榔一箇

塌氣圓

治小兒疳氣腹脹喘急并面浮腫

丁香

胡椒炒各五錢

蘿蔔子炒

白牽牛各七錢半

右為末麪糊圓小豆大二歲三十圓米湯下

塌氣散

治小兒腹脹氣粗并疳疾相攻面目浮腫

木香 一錢

青皮

半兩

巴豆

三十粒同炒豆黃色去巴豆

右為末三歲半錢米湯下食前連進即效

三稜前圓

治嬰孩食傷生冷甜膩毒執等物脾胃積滯久

不剋化令兒肚熱脚冷痞癖寒執及療癥瘕中

腕不和膨脹上膈氣壅心腹不得宣通所以作

疾此藥温良但是諸積滯食不化並宜與服

京三稜

成塊

蓬朮

並炮各半兩

芫花

二錢半醋浸炒

蠶單

去君去醋炙焦半兩

淡豆豉

二錢

巴豆

二十一粒去殼

川當歸

半兩

杏仁

去皮尖二錢炒令赤

右前四味一處以米醋一椀煮令乾仍用炒起

更細剉焙為末次入當歸木杏仁巴豆淡豉和

勻水煮麩糊為圓麻子大每服二十圓薑湯下

大小加減服之

三稜圓

治小兒停積腹脇脹滿乾噦惡心全不入食

三稜

木香

神麩

陳皮

去白

半夏

薑汁製

丁香

桂各半

右為末麩糊團如黃米大二十圓乳食後温生
薑湯下

真珠天麻圓

治急驚風請量用之以通為度此方仍治昂腸
鎖肚撮口至妙圓如麻子大初生患者三日三
圓五日五圓七日七圓加青黛名青黛圓

天南星炮

天麻

白附子炮各二錢半

膩粉半錢

巴霜一字

蕪荑炒

全蝎

滑石各一錢半

右為末煮細麩糊圓如麻子大每服一歲五圓
二歲十圓大小加減薄荷湯點茶清送下
大茱連圓

治小兒飲食過度胸膈膨脹上下氣不宣通鬱
滯迷悶情思少樂大則作喘飲食不化作渴煩
躁坐卧不任肢體倦怠腹脇疼痛

蓬朮

京三稜各二錢半 乾薑炮

青皮

陳皮去白 木香

丁香各二錢

巴豆二十一粒去心出油 綠細小茱萸二錢

右為末醋糊圓麻子大每服七圓至十圓大者

加服生薑棗子湯下

下蟲圓 方見七十九頁

沉香煎

治脾氣冷積

乳香

沉香

下香

杏仁炒

百草霜

木香各二錢

肉豆蔻一箇

巴豆十四粒出油如霜

右為末酒煮蠟和圓棗棗大每服三五圓淡生薑湯送下應患肚痛不止服之效常服以通為度

推氣圓

方見四十九頁

遇僊丹

治諸蟲取諸積

牽牛三斤

大腹子二斤

錫灰二兩炙草為末

大黃四兩

雷丸四兩

青木香

鶴虱二兩

乾漆二兩

皂角四條

右後四味煎水用粟米煮粥初用牽牛末次用大腹末三用錫灰四用大黃五用雷丸六用青木香和劑圓如梧桐子大每服五七九圓用薑湯熟水送下

此藥專治男子婦人積蟲氣塊五勞七傷赤白痢疾便血注下皮黃水腫十般氣十一般惡蟲又進飲食除病悅顏色不與他藥相反四季可服細末三四錢量大小加減服時不喫晚飯三更用茶清下次早桶子內蟲積及粒米盡方可洗面溫粥補之傷寒孕婦不可服

第八十五問蛇蟲

果氏云蛇蟲者九蟲內之一蟲也長一尺亦有長五六寸者或因腑臟虛弱而動或因食甘肥而動其動則腹中痛發作腫聚行來上下痛有休止亦攻心痛

口喜吐涎及清水貫傷心者則死診其脉腹中痛其脉法當沉弱而弦今反脉大則是蛇蟲也此痛因食物太早愛甜怕苦痛時便高聲啼叫只看人中上鼻頭唇口一時黑色卽是此證當服使君子圓檳榔散化蟲圓藥取大便無事仲景云蛇厥者其人當吐蛇今病煩此爲臟寒烏梅圓主之其蛇蟲穿心者用意苡根煎湯治之卽安

使君子圓

治小兒五疳脾胃不和心腹膨脹時復疔痛不進飲食漸至羸瘦並宜服之

白芍藥

厚朴葉

陳皮去白

川芎

甘草各二錢半

使君子肉湯浸去黑皮一兩

右為末煉蜜圓如芡實大每服一圓陳米飲化下大治小兒腹痛

檳榔散

治腎疝宣露候良方去蟲後服此

木香

檳榔

人參

黃連

甘草各各等分

右為末每一錢小者半錢熟水調服

化蟲圓

治小兒蟲咬心痛來去不定不思乳食

鶴虱炒

檳榔

胡粉

苦楝根皮

各半兩

白礬三錢半半生半火煨

右為末麩糊圓小豆大三歲三十圓溫漿水入油三五滴吞下食前如有蟲皆化為水大蟲自下月初服甚妙

烏梅圓

治蚘厥其人當吐蚘今病者靜而復煩此為臟寒蚘蟲上入其脘故須臾復止得食而嘔又煩者蚘聞食自出甘苦當自吐蚘又治久痢

烏梅

七十一箇

黃連

二兩

黃連

四兩

蜀椒

出汗

當歸

各一兩

細辛

附子

炮去

人參

桂枝

去皮

黃蘗

各一兩半

右為末用酒浸烏梅肉一宿去核蒸飯杵成泥

和藥勻圓麻子大每服十圓食後米飲下日三

服忌生冷物

第八十六問陰腫疝氣

巢氏云足少陰為腎之經其氣下通於陰小兒有少

陰之經虛而受風邪者引氣衝於陰與血氣相搏結

則陰腫也然兒有大小壯弱起止中節可也苟腎經

氣虛或坐石不起冷氣凝之或近地經久風邪濕氣

傷之不為陰腫者幾希矣間有啼叫怒氣閉擊於下

結聚不散加以水竇不行亦能發為此疾治法桃仁

圓如小兒外腎腫大莖物通明牡蠣粉研極細雞子

清調傳為佳又有疝氣名偏墜急宜下藥小兒生下

亦有如此者不疼不痛此皆不須攻擊不治而自愈

若腫痛甚急當服藥宜五苓散青木香圓湯氏化生

圓并踈氣藥濟生方牡丹皮防風為末酒調服極效

五苓散加防風牡丹皮亦効此證有熱甚者三黃圓

治之

桃仁圓

見直指

治腎經氣虛或坐石不起冷氣凝之或近地經久風邪濕氣傷之而成陰虛間有帶吐怒氣閉擊於下結聚不散加以水實不行亦能發為此疾

桃仁

去皮尖微炒三錢

辣桂

黑牽牛

白芍藥

炒香去刺

牡丹皮

大黃

各二錢

右為末煉蜜圓麻子大每服五圓或七圓青皮木通葱白入鹽少許煎湯灌下或前大流氣飲

研青木香灌下亦可

五苓散

方見五十二問

青木香圓

寬中快膈腹脇痛心下堅痞腸中水聲及陰腫

黑牽牛

炒一兩半

木香

補骨脂炒

葶澄茄

檳榔各四錢

右先將粟米飯包檳榔仍用濕紙包裹煨焦去飯用檳榔同煎藥為末滴水圓黍豆大每服二十圓白湯下

湯氏化生圓

治疝氣心腹痛上引腰脊飲食不節面色痿黃
身不能宜百藥俱試經涉年歲已在膏肓宜服
此藥多脊俞三壯痊

木香 一兩

三稜 煨

莪朮 濕紙裹

檳榔 生

青皮 巴豆炒 陳皮 炒

川棟子 去核

羌花 各半兩 米醋浸炒

右為細末麪糊圓如黍米大熟水下日進三服

牡丹皮散

治小兒癩卵偏墜

防風 去蘆

牡丹皮 去骨各等分

右為末每服二錢溫酒調服如不飲酒鹽湯煎
服亦可加入五苓散木通湯下尤妙

三黃圓

治三焦積熱上焦有熱攻冲眼目赤腫頭項腫
痛口舌生瘡中焦有熱心膈煩燥不美飲食下
焦有熱小便赤澁大便秘結五臟俱熱即生背
瘡疔毒及治五般疔疾糞門腫痛或下鮮血治
疝氣効

黃連 去蘆

黃芩 去蘆

大黃 煨各十兩

右為末煉蜜圓桐子大每三十圓熟水下如臙

腑壅實加煎圓數小兒積熱可服

第八十七問盜汗骨蒸

仲陽云盜汗出者乃睡而自汗出肌肉虛也團參湯
治小兒虛汗盜汗或心血液盛亦發為汗此藥收斂
心氣湯氏云汗者血也血虛亦能自汗作熱宜服團
參湯牡蠣散龍膽湯治小兒一切盜汗又有通神圓
治通身多汗小兒精氣未盛體性多熱若衣裘傷厚
過食熱物或患時氣大病之後重亡津液陽氣偏盛
水不勝火腑臟積熱薰灼肌體甚則消燬骨髓是為
骨熱之病久而不已變成骨蒸日晚發熱肌瘦頰赤

口乾日夜潮熱夜有盜汗五心煩熱四肢困倦飲食
減少瘥後餘毒不解生犀散主之

團參湯

治小兒虛汗盜汗或心血液盛亦發為汗此藥
收斂心氣

新羅人參

川當歸 各五錢

右對細用雄猪心一箇切三片每服二錢猪心
一片水一盞半煎一盞食前兩次服

撲汗方

黃連

牡蠣粉

貝母 各半兩

米粉一升

右末傳於身上

牡蠣散

治血虛自汗或病後暴虛津液不固自汗

牡蠣煨二兩

黃芪

生乾地黃各一兩

右剉散每服二錢水半盞煎五分去滓不拘時
候服或為末米湯下或加小麥煎

龍膽湯

方見第三問

通神圓

治小兒白日精神歡悅至夜卧通身多汗

龍膽草一味不拘多少

右為末米醋煮糊圓如小柈日大每服五七圓

用飯飲下一方加防風等分水煮糊圓

生犀散

方見五十七問

第八十八問自汗

議曰凡初生至周粹之兒不可自汗自汗即亡陽氣
怯脉虛神散驚風有作凡乳幼自汗切勿止之宜用
白朮二錢半小麥一撮水煮令乾去麥為末煎黃芪
湯調與服以愈為度有傷寒熱證自汗當以小柴胡
加龍膽治之夏月自汗多宜白虎湯主之熱多自汗

而喘者葛根黃芩黃連湯主之

小柴胡湯 方見一十問

白虎湯 方見五十八問

葛根黃芩黃連湯 方見五十六問

第八十九問渴證 其冷證渴者鉛丹散

議曰小兒渴證一見唇紅如丹三五分即發三五分渴若紅甚即渴甚唇紅焦黑者即久渴虛盛疾加傳極證危篤故也凡小兒三焦虛煩作渴引飲不飲宜服三黃圓小兒傷寒後發渴唇口焦乾煩燥盛者白虎湯主之竹葉湯亦可服小兒瀉痢作渴者五苓散

去桂加乾葛尤妙香薷飲車前子散皆可服小柴胡湯加天花粉亦佳加乾葛尤穩大熱煩燥而渴者黃連解毒湯亦可服七物黃連湯亦可服極穩大抵小兒本自盛實易為生熱熱氣薰蒸故渴而引飲也

三黃圓 方見八十六問

竹葉湯 方見五十一問

白虎湯 方見五十八問

五苓散 方見五十二問

香薷飲 方見六十問及六十一問

車前子散 方見六十三問

小柴胡湯

方見二十九

黃連解毒湯

方見七十

七物黃連湯

治夏月傷寒四肢煩疼發熱其人喜煩嘔逆支滿劇如禍祟寒熱相搏故令喜煩

黃連

茯苓

芍藥

各七錢半

黃芩

甘草

乾薑

各一兩

小麥

三合

右剉散白水煎欲止瀉加枳實半兩

第九十問煩躁

論云嘔煎不安是煩嘔啞不定是躁嘔煎者心經有熱精神恍惚內煩不安心煩則滿自然生驚嘔啞者心經有風邪精神恍惚心躁生風熱多不安煩久而驚風多不定躁久而搐治法涼心經退熱通利小便為佳熱甚者黃連解毒湯輕者導赤散玉露散風熱者至寶丹琥珀散解毒圓皆可服有傷寒證者小柴胡湯白虎湯大柴胡湯去大黃加乾葛治之有驚熱者金箔鎮心圓七物黃連湯尤妙

黃連解毒湯

方見七十

玉露散

方見五十一

導赤散

方見第八回

至寶丹

方見二十回

琥珀散

方見五十四回

青解毒圓

治小兒五臟積熱毒氣上攻胸臆煩悶咽喉腫痛赤眼癰腫頭面發熱唇口乾燥兩頰生瘡精神恍惚心忪悶亂坐卧不寧及傷暑毒面赤身熱心煩燥而渴飲食不下

寒水石

石膏

研各八兩

青黛四兩

右研如粉入青黛和勻蒸餅七筒水調圓如芡

實大每服一圓食後新汲水化下或細嚼生薑湯下亦得如中諸毒並宜服及小兒驚風潮熱痰涎壅塞心胸煩燥頰赤多渴坐卧不穩每三歲兒可服半粒量大小加減

小柴胡湯

方見二十九回

白虎湯

方見五十八回

大柴胡湯

方見二十九回

金箔鎮心圓

方見十八回

十物黃連湯

方見八十九回

嬰童百問卷之九終

嬰童百問卷之十

第九十一問 勦胎

經濟論勦證肺經受風寒因咳嗽肺停冷血生痰致
使腑臟有熱睡卧不安故成勦胎咽喉間如拽鋸之
聲小兒若有此候可服通關梅花飲子并半夏圓及
保壽散小歸命散解肌散三兩服自安若見勦胎如
癢證候間若拽鋸聲者乃肺感風邪上氣喘急面唇
青色項下有深凹陷痰涎粘如膠漆口生腥臭惡氣
舌縮者皆不可治也

梅花飲子

治嬰孩驚熱潮熱虛熱積熱五臟蘊熱上焦壅
熱手足心熱喉中多痰面色或紅或白變蒸咳
呀鼻流清涕氣急肝肺壅熱目赤咳嗽或被人
物所驚夜啼睡臥不安心中驚怖情緒不快或
傷寒漸安尚有餘熱未除亦宜進此三兩服常
服鎮心壓驚化痰退熱安神可除未來之患通
關

南礪砂

馬牙消 另研 苦消 另研

甘草 各

人參 一兩

辰砂 二錢半

梅花腦子

麝香 各一字

右八味為末以磁器收之遇有此證服一匙麥
門冬湯調下氣喘咳嗽桑白皮湯調下常服薄
奇湯下

吳子玉方

白色信石

一字并下豆

生南星

枯礬 各

我管石

礪砂 各半

菜豆粉

雄黃 各半

右為末糊團如蘿蔔子大臨臥用冷茶清吞下

五圓

半夏圓

治肺氣不調咳嗽喘滿痰涎壅塞心下堅滿短
氣煩悶風壅痰實頭目昏眩咽膈不利嘔吐惡
心神思昏憤心忪面熱涕唾稠粘並皆治之

白礬 搗為二錢半夏三兩湯洗去滑

右為細末生薑自然汁為圓梧桐子大每服十
圓或二十圓食後臥時生薑湯下小兒圓如麻

子大

保壽散

方見五十四

小歸命散

治小兒變蒸傷寒潮熱驚熱咬牙鼻流清涕咳

嗽渾身溫壯喉咽有涎兼前項傷寒等證及退
驚熱墜涎安神百病不生

白茯苓

人參

白朮 各半兩

甘草 三錢

辰砂 二錢

腦子

麝香 各少許

右七味為末每服半錢薄苧湯調下

解肌散

治嬰孩傷寒風面部紅赤嘔吐渾身壯熱有前
項等形證兼服人參散後得熱退可觀患勢輕
重若患稍輕脉候不洪數面不大赤不加煩躁

然須呻吟讓語此為輕可之候但只進此

人參

釣藤

枳梗

甘草

川芎

葶藶

白茯苓

杏仁

石膏

麻黃

去節各

四錢

右判散每服一錢茶一枚水一盞煎半盞服如

初中傷寒先下此藥是須要仔細辨認形證若

是麻痘瘡疹便不得下此藥蓋麻痘之證則面

青白耳珠脚膝尻骨俱冷如冰身體溫壯亦狂

躁譏語夢中驚笑乃是此候也若小兒傷寒等

服此解肌散漸得熱退次第可服大歸命散保
壽散輕粉白木散等調理

白玉圓

利膈下痰涎去心胃噎塞不止并咳嗽多痰

南星

半夏

僵蚕

白礬

生各二錢半

右為末杏仁七箇去皮尖巴豆一粒同研勻再
用去皮生薑汁為圓如粟米大每服一二十圓
薑湯送下不拘時

第九十二問瘡證

巢氏云瘧疾者由夏傷於暑客於皮膚至秋因勞動血氣腠理虛而邪氣乘之動前暑熱止邪相擊陰陽交爭陽盛則熱陰盛則寒陰陽更盛更虛故發寒熱陰陽相離則寒熱俱歇若邪動氣至交爭復發小兒未能觸冒於暑而亦病瘧者乃乳母持抱解脫不避風寒者也夫風邪所傷客於皮膚而痰飲積於臟腑致令血氣不和陰陽交爭若真氣勝則邪氣退邪氣未盡故發瘧也邪氣雖退陰血尚虛邪干於真氣臟腑熱氣未散故餘熱往來也其病正發寒熱交爭之時熱氣乘臟則燥而渴留飲停滯成癖結於脇下故

瘧後脇下結硬也若引飲不止小便澀者則變成癖也寒熱往來而熱乘五臟氣積不泄故煩滿寒熱相搏而擊於臟氣故腹痛也寒多熱少無汗者桂枝麻黃各半湯有汗多者柴胡桂枝湯汗多渴者白虎加桂湯小便赤熱多而渴者小柴胡湯瘧未止者鬼哭散止之寒少熱多者可服清脾湯養胃湯治脾胃冷弱者四獸飲亦可服其截瘧圓子切不可用砒霜者但可服有常山者有阿魏者真能散痞癖也熱多汗出而渴腹疼者大柴胡湯加乾葛可也其瘧後加之冷證痞癖結塊者木香圓主之煩渴者五苓散有熱

甚者白虎湯或加桂或加人參時行壯熱者柴胡石膏湯亦可服頭疼甚者葱白加甘草亦可服知母麻黃湯亦治瘧之奇劑也

桂枝麻黃各半湯 方見五十三回

白虎加桂湯 方見五十八回

小柴胡湯 方見二十九回

柴胡桂枝湯

柴胡 八錢 黃芩 二錢 半夏 二錢半

芍藥 甘草 桂枝 各三錢

右劉散每服三錢薑三片棗一枚煎食前服

鬼哭散

治止瘧疾

常山 大腹皮 白茯苓

鱉甲 諸次 甘草 炙各等分

右除甘草鱉甲炙外三件不得見火用桃柳枝各七寸同煎出湯發略吐涎不妨只用常山白茯苓甘草亦効

清脾湯

治瘧瘧脈來弦數但熱不寒或熱多寒少膈滿不能食口苦舌乾煩渴飲水小便黃赤大便欠

利

青皮

厚朴剉製

白朮

草果

去皮

柴胡

茯苓

半夏

湯泡

薑苓

甘草

各等分

右剉散每服三錢水一盞生薑二片煎六分去滓溫服不拘時

四獸飲

治五臟氣虛喜怒不節勞逸兼并致陰陽相勝結聚痰飲與衛氣相搏發為瘡疾兼治瘡瘡最
有神效常服溫中快膈

半夏

茯苓

人參

白朮

草果

橘紅各等分

甘草

減半

右剉散每服三錢烏梅薑棗各一水一盞煎服胡黃連散

治小兒瘰

人參

胡黃連

草果

檳榔

甘草

柴胡各等分

右剉散水一盞煎三分服

養胃湯

治外感風寒內傷生冷溫中快膈能辟山嵐瘴氣寒瘧脾胃虛寒

厚朴

蒼朮製

半夏泡各一兩

藿香

草果仁

茯苓

人參

各半兩

甘草

橘紅各二錢半

右剉散每服三錢水一盞薑七片烏梅一箇煎

六分去滓熱服兼治冷飲傷脾發為瘧疾或中

脘虛寒嘔逆惡心寒瘧加桂

又方

陳皮

去白三錢半

甘草

厚朴製

半夏

各三錢泡

人參

草果

各二錢

白茯苓

四錢

藿香

七錢洗

青皮

去穢

三稜

煨

蓬朮

煨

大腹皮

各一錢半

蒼朮

烏梅

各五錢

右剉散每服三錢薑棗煎服

經效瘧丹

治瘧母結癖寒熱無已

真阿魏

雄黃

各二錢半

硃砂

一錢半

右沸湯泡阿魏研散雄硃和之稀麪糊圓梧桐子大每服一圓人參湯候冷空心服瘧瘵桃枝

煎冷服臨發磨一圓傳鼻頭口畔

大柴胡湯加乾葛 方見二十九問

木香圓 方見四十六問

五苓散 方見五十二問

白虎湯 方見五十八問

柴胡石膏湯 方見五十二問

葱白湯 方見五十一問

知母麻黃湯

治傷寒差後或十數日或半月二十日終不惺惺常昏沉似失精神言語錯繆又無寒熱醫或

作鬼祟或作風疾多般治之不瘥或朝夕潮熱
頰赤或有寒熱似瘡都是發汗不盡餘毒在心
胞絡間所致

知母

麻黃 去節

甘草 炙

芍藥

黃芩 各半

桂枝 去皮半兩

右剉散每三錢水一盞煎七分去滓溫服令微汗若心煩不眠欲飲水當稍稍與之令胃氣和即愈未汗須再服大小加減

第九十三問癰毒腫癩

湯氏云此四者皆由血氣凝滯而有執毒之氣乘之

故結聚成癰癤腫毒也備急神驗方未結之初微見有頭紅癰起隱疼者急用不語唾夜半頻頻塗之即消散若已結成當用天烏散貼方治小兒癰瘡驚毒癰腫皆可服漏蘆散真良方也執其者青解毒圓四順清涼飲加防風連翹玄參劑亦可服五福化毒丹尤良連翹湯可服青露散掩之留小孔後用驚毒掩子收瘡口取効執甚者涼脂散亦可服

天烏散貼方

天南星

赤小豆

草烏

黃栢

右等分為末生薑自然汁調貼患處用米醋調尤佳

漏蘆散

治小兒癰瘡及丹毒瘡癤

漏蘆

麻黃去根

芒消

連翹

川升麻

黃芩

甘草各二錢

川大黃一兩

白欬七錢

右劉散每服二錢水一盞煎五分去滓量大小加減不拘時候加減溫服可加羌活荆芥川芎防風枳殼

青解毒圓

方見九十同

四順清涼飲

方見四十四同

玄參劑

解諸般熱消瘡癩

生地黃

玄參各一兩

大黃煨半兩

右為末煉蜜圓桐子大每服一圓煎燈心竹葉

湯化下入沙糖少許亦可加羌活川芎赤芍藥

連翹防風

又方

治疹痘後餘毒不散遍身生瘡不已大能解毒

玄參

赤芍藥

生地黃

赤茯苓

荊芥

防風

木通

桔梗

黃芩

朱砂

青黛各等分

右為細末煉蜜圓芡實大每服一圓薄荷湯下

大小加減服之

五福化毒丹

治小兒蘊積毒熱驚惕狂躁頰赤咽乾舌生

瘡夜卧不寧譫語煩燥頭面身體多生瘡癩

玄參

桔梗各二兩

茯苓一兩

人參

牙消

青黛各一兩

甘草七錢

麝香一字

金箔

銀箔各十片為衣

右為末煉蜜和劑如芡實大每服一圓薄苛湯下不拘時及治瘡疹後餘毒上攻口齒涎血臭氣以生地黃汁化下一圓及用鷄翎刷在口內

連翹湯

方見第五問

青露散

治背疽一切惡瘡圍藥不胤開

白芨

白欬

白薇

白芷

白蘇皮

朴消

青黛

黃柏

大黃

天花粉

青露葉

即美蓉葉老龍皮即老松木皮各等分

右為細末生薑自然汁調塗留小孔如乾再用生薑汁潤

驚毒掩

治瘡癰初發掩上即退已成速破

葱根

七箇

木別

七箇

白芷

三箇

巴豆

十四箇

黃丹

二兩

油

四兩

右先用油入前四味武火燉用柳木篦攪以白

正焦黑為度用綿濾去滓再入銚用文火燉却
入黃丹燉令紫黑色成膏為度治諸般瘡癤去
膿收瘡口

驚毒諸般腫痛淹子

蒲黃

大黃

黃礬

真粉

連翹

白芷

白芨

白欬

牡蠣

丹參

各等分

右為末水調塗腫處

涼膈散

治小兒腑臟積熱煩躁多渴面赤唇焦咽燥舌
腫喉閉目赤鼻衄頰頰結硬口舌生瘡痰實不
利涕唾稠黏睡卧不寧譫語狂妄腸胃燥結便
溺赤澁一切風腫並宜服之

川大黃

朴消

甘草

各一兩

連翹

梔子仁

黃芩

薄荷葉

去土各半兩

右剉散每服二錢水一盞入竹葉七箇蜜少許
煎四分食後溫服大小加減

第九十四問惡核瘰癧

巢氏云小兒惡核者乃風熱毒氣與血氣相搏結成
頑核生於項頸遇風寒所折不消結成癰癰久而潰
膿成瘡者也凡有此證宜服清涼飲子及升麻湯等
藥湯氏貼惡核癰癰各有妙方千金連翹圓千金龍
膽湯皆可服之

清涼飲子

方見四十問

連翹圓

治小兒無故寒熱強健如故而身體頸項結核
癰癰及腹脇背裏有堅核不痛名為結風氣腫

連翹

桑白皮

白頭翁

牡丹皮

防風

黃蘗

桂心

香豉

獨活

秦艽

各半兩

海藻二錢半

右為末煉蜜為圓如梧桐子大每服十圓或二
十圓燈心湯下

千金龍膽湯

方見第三問

大聖散

治癰癰消風毒腫上壅內熱多生癰疹風丹風
證食煎博多致此疾

羌活

荆芥

升麻

薄荷

防風

甘草

大黃

黃芩

玄參

或加赤芍藥連翹

右各等分為末每二錢水一盞煎六分溫服又方用牡蠣二兩火銀為末玄參一兩甘草半兩為末每二錢茶清調下

第九十五問發斑

百問云發斑有兩證有溫毒發斑有胃爛發斑也溫毒發斑者為冬月溫燠人感乖戾之氣未即病發至春或被時氣所折毒氣不得泄至天氣暗熱溫毒始

發則肌肉斑爛癰疹如錦紋其治用葛根橘皮湯黃連橘皮湯主之若胃爛發斑者傷寒未下即發斑下早亦發斑蓋不當下而下之執氣乘虛入胃當下失下則胃執不得泄所以皆發斑也凡發斑不可用表藥蓋表虛裏實若發其汗重令開洩更增斑爛表虛故也玄參升麻湯化斑湯主之傷寒發斑只是執氣在臟腑先攻物田且裏蘊成瘡方發出外赤者易治黑者難治蓋毒氣入田且之深故也羌活散加蟬退治斑亦可

葛根橘皮湯

治冬温未即病毒被積寒所折不得發泄至天
氣暄熱其温毒始發肌中斑爛癰疹如錦紋咳
嗽心悶但嘔吐清汁服此藥即靜兼治小兒麻
痘瘡

葛根

陳皮

杏仁去皮

麻黃

去節

知母

黃芩

甘草

各半兩

右剉散白水煎有熱不吐去陳皮冷證去黃芩
知母

黃連橘皮湯

治温毒發斑兼治麻證洩瀉并去血

黃連

一兩

陳皮

杏仁去皮

枳實

炒

麻黃

去節

葛根各半兩

厚朴

製

甘草

各一錢半

右剉散每服二錢白水煎服亦治煩渴或不用

厚朴甘草

玄參升麻湯

治傷寒發汗吐下後毒氣不散表虛裏實熱發
於外故身斑如錦紋狀甚則煩燥譫語兼治喉
閉腫痛

玄參

升麻

甘草炙各半兩

右剉散每服二錢水一盞煎六分去滓服又前升麻湯內加玄參亦可

化斑湯

人參

石膏

萎蕤

知母

甘草各二錢半

右剉散每服二錢水一盞入糯米半合煎六分米熟為度溫服

羌活散

方見二十問

第九十六問丹毒赤遊腫

仲陽云熱毒之氣客於腠理搏於血氣發於外皮上赤如丹熱毒與血相擊而風氣乘之所以赤腫遊走而遍體也此由乳母食酒麪煎炙過度與夫烘衣與兒不候冷而即穿著多成此證或發於頭面曾背令兒燥悶腹脹如火其熱痛不可言有入腹入腎之證便不可救又方小兒一週之內皮毛肌肉筋骨髓腦五臟六腑榮衛血氣皆未堅固譬如草木萌芽之狀未經寒暑嬌嫩軟弱今嬰孩稱為芽兒故也一周之內切不可頻頻洗浴恐濕熱之氣鬱蒸不散遍身生赤遊丹毒俗謂之溜片片如胭脂塗染皆腫而壯熱

若毒入腹者則腹脹硬氣以致殺兒此因洗浴而得也若肌肉寬緩腠理開泄包裹失宜復為風邪所乘而身生白溜皆腫而壯熱也或增寒壯熱鼻塞腦悶或上氣痰喘咳嗽吐逆種種之疾皆因洗浴脫著而得也治赤溜丹毒可用一小刀子疏去溜頭赤暈惡血毒汁次以冰黃散葛根白朮散惺芋散主之敗毒散及升麻湯防已散皆可選而用之又丹熱實熱龍帶熱並用大連翹湯加大黃及燈心煎服殊驗

冰黃散

土消

大黃

細末各二錢

右二味相合新汲水調攪勻用鷄羽蘸藥塗毒上

葛根白朮散

治一切赤白丹腫毒

白朮

茯苓

去皮各二錢

木香

甘草

各一錢

芍藥

葛根

各三錢

枳殼

去穢炒二錢半

右劉散每服三錢水一盞煎七分去滓熱服

惺芋散

治赤遊腫不可服冷藥者

茯苓

去皮

白朮

人參

甘草

枳殼

細辛

去苗

川芎

各等分

右剉散每服三錢水一盞煎七分去滓熱服

敗毒散

方見五十四

防風散

治丹毒候乃熱毒之氣與血相搏而風氣乘之故赤腫及遊走遍體者又名赤遊風入腹入腎則殺人

漢防已

半兩

朴消

犀角

黃芩

黃芪

川升麻

各二錢半

右剉散加竹葉煎大小以意加減一方去朴消有澤瀉

白玉散

治赤遊丹毒

常用妙方

滑石

寒水石

各一兩

右為末米醋調傅患處或腫至外腎有破處只用水調

大連翹湯

方見第三回

消毒飲

治丹毒及瘡痘已出毒氣壅遏過壯熱狂躁睡臥不安大便秘澁及咽喉腫痛胃膈不利疹痘消破却可服九十九劑重

牛旁子

炒二兩

荆芥穗

甘草

炙各半兩

右劉散白水煎自利及瘡痘未破不可輕服或加防風連翹升麻蟬退赤芍藥有熱加黃芩防風犀角消毒飲

第九十七問瘡癬

湯氏云小兒傷濕血氣壅滯則生瘡多由父母并奶子不好潔淨衣褥不與更換洗濯或屎穢汚連日

不洗亦能浸漬而成瘡天氣溫和頻與澡洗更衣名曰外宜亦不須服藥小兒不得已而服藥此乃下策將養合宜何病可侵更令乳哺有節勿令過飽其身乃如蒔樹此調養之理也浴方春用柳條荆芥夏用棗葉槐枝秋冬用苦參類浴身安外宜無病金華散又傳瘡癬等方皆可用也摩風膏傳瘡癬極佳無服羌活散加防風荆芥及大連翹飲升麻湯等劑

金華散

治乾濕瘡癬

黃丹

一兩

輕粉

錢

黃礬

黃連

各半

麝香

少許

右為末先洗次乾搽之如乾癬瘡用臘月猪脂和傅如無用麻油亦可加黃芩大黃

摩風膏

治小兒遍身疥癬瘙痒

苦參

瀝青

蕪荑炒

黃蠟

各一錢

巴豆

三粒

輕粉

五分

真麻油

半兩

全蝎

二枚

右用麻油煎至巴豆焦瀝去所煎物入輕粉和勻傅瘡疥効

一方

治惡癬以紫貝草根生白礬少許同搗爛塗患處兩次可斷根

又方

用砒少許滴醋同熬為膏塗之

又方

以斑猫去頭足糯米炒黃去米以淮棗煮熟去皮取肉為圓唾津調擦之尤妙

羌活散

方見二十問

大連翹飲

方見第三問

升麻湯

方見五十二圖

第九十八問瘰癧

巢氏云夫小兒瘰癧者為風執毒氣所乘搏於皮膚乃生瘰癧潰而成瘡故名曰瘰癧也湯氏牛黃散淋洗方治之又有瘰癧之發有數種先作點而後露骨小者如粟如豆劇者如梅如李亦黑青白色變不常或生口齒或肚臍或臂或背發無定處大槩多見於手指之間根深入肌走臂遊腫毒血流注貫串筋脉爛肉見骨出血極多令人狂言煩躁噉悶皆毒氣攻心之候也南星半夏白芷末傅之用藥先洗了傅之

尤佳其諸療理推廣癰疽法度行之阜角血餘等藥尤佳

牛黃散

三黃真珠散

治疔積壯熱生飲淫瘡俗呼為溜膿水流處便濕爛成瘡此證當內服消食退疔積之藥後用此

松香

五倍子

黃連

黃丹

海鱧鱗名三

輕粉

雄黃

各少許

右七味並為細末瘡乾則以香油調傳濕則乾
搽先以瑩肌散煎洗然後用此藥

瑩肌散洗瘡

赤芍藥

防風

苦參

薄荷

甘草

劉寄奴

黃蘗

右等分煎湯洗去患處宿膿後以前三黃散末
搽瘡上三二度即成痂而愈或只服化毒丹

第九十九問麻證水痘

湯氏云凡小兒斑瘡之候乃天行時氣熱不能解蘊

積於胃而胃主肌肉毒氣薰發於肌肉狀如蚊子所
嚙乃成斑毒也赤者十生一死黑者十死一生此證
與斑證不同發斑乃如錦紋有空缺處如雲頭之狀
麻證乃遍身無空缺處但疎密之不同分輕重耳黃
連杏仁湯治嬰孩受邪熱候作成麻豆之證其瘡漸
出咳嗽煩悶嘔逆清水眼赤咽喉口舌生瘡宜服此
以解之又有黃芩知母湯治小兒麻證催出得瘡斑
爛癢疹如錦紋或白膿水者腥臭不能乾心胃咳悶
嘔吐清水身體溫熱不時宜進此以治之起初疑似
之間可服升麻湯頭痛甚者可服柴胡升麻湯化

斑湯恙治散蟬退散皆可又有發熱一二日而出水
泡即消者名為水痘但用輕劑解之即便痊可恙活
散升麻消毒飲主之麥煎散亦可服又可服大連翹
湯以解利之活人書黃連橘皮湯治溫毒發斑可治
出麻作瀉服此下利當先止與前黃連杏仁湯同但
多製厚朴甘草耳

麻證始終宜服麻黃湯表 斑證可下不可表

痘證表下皆不可

黃連杏仁湯

治嬰孩受邪執候作成麻疹之證其瘡漸出咳

嗽煩悶嘔逆清水眼赤喉咽口舌生瘡作瀉

黃連 一兩 陳皮 去皮 杏仁 去皮尖

麻黃 去節 枳殼 去穰 葛根 各半兩

右剉散每服二錢水煎服作瀉者加製厚朴甘

草

黃芩知母湯

治嬰孩五臟邪氣作成麻證瘡出斑爛癢疹如
錦紋或白膿水腥臭不乾心胃閉悶嘔吐清水
身體溫壯不時宜服之

苦白薇 陳皮 杏仁 去皮

麻黃

去節

知母

黃芩

甘草

各半兩

右劉散每服二錢水一盞煎半盞去滓服不嘔
逆去陳皮加芍藥如吐則用之

升麻湯

方見五十二問

柴胡升麻湯

同前問

化斑湯

方見九十五問

羌活散

方見二十問

蟬退飲

方見九十六問

消毒飲

麥煎散

方見五十四問

黃連橘皮湯

方見九十五問

第一百問瘡疹

仲陽云瘡疹候面燥腮赤目眇赤呵欠頓悶乍涼乍
熱咳嗽嚏噴手足稍冷夜卧驚悸多睡煩躁發熱臉
赤唇紅身痛頭疼痰涎傷寒證候類有之並瘡疹證
此天行之病也始發之時因傷風傷寒而得者有因
時氣轉染而得者有因傷食嘔吐而得者有因跌撲
驚怒蓄血而得者或為驚眼禁牙驚搐如風之證或
為口舌咽喉腹肚疼痛之狀瘡從口腹中出故痛或為煩躁發

熱臉赤狂悶昏睡譫語之形或自汗或下利或發熱或不發熱證候多端卒未易辨方論所載以耳冷翕冷足冷驗之蓋謂瘡疹屬陽腎臟無證耳與翕足俱屬於腎故腎之所部獨冷然疑似之間或中或否不若視其耳後有紅脉赤縷為真於此可以稽驗矣其脉洪大而數診脉之際身略戰動是其證也調護之法首尾俱不可汗下但溫涼之劑兼而濟之解毒和中安表而已凡熱不可驟遏但輕解之若無熱則瘡又不能發也虛者益之實者損之冷者溫之熱者平之是為權度借喻而言亦如庖人籠蒸之法但欲

為鬆耳如苟妄汗則榮衛既開轉增瘡爛如苟妄下則正氣內脫變而歸腎身體振寒耳翕反熱眼合肚脹其瘡里壞十無一生舌黑者尤難癒何者瘡隨五臟見證未發則五臟之證悉具已發則歸於一臟受毒多者見之故肝臟水泡淡出如水肺臟膿疱其滿稠濁心臟發斑血色脾臟發疹色黃微赤惟歸腎則變黑焉青紫瘡疹屬陽本無腎證腎在膈之下不陽取火也腎取水也以火用事為水所制豈不殆哉朱氏云瘡疹已發未發但不可踈轉此為大戒瘡疹首尾皆不可下及輒用利藥毒氣入裏即殺人以此觀之瘡

疹證狀雖與傷寒相似而疹痘治法實與傷寒不同
傷寒所傳從表入裏疹痘所發從裏出表蓋毒根於
裏若下之內氣一虛毒不能出而反入焉由是土不
能勝水黑陷者有之毒發於表若汗之則榮衛一虛
重令開泄轉增瘡爛由是風邪乘虛變證者有之汗
下二說古人之所深戒也調解之法將如何曰活血
調氣安表和中輕清消毒溫涼之劑二者得兼而已
溫如黃耆當歸木香葷涼如前胡乾葛升麻葷佐之
以川芎芍藥枳殼桔梗羌活木香此紫草甘草之屬則
可以調適矣凡小兒覺身熱證似傷寒但未經瘡痘

疑似未明且先與惺惺散參蘇飲抱龍圓升蘇散熱
甚則先與升麻湯或加川芎紫蘇茯苓嘔吐者香蘇
飲加半夏茯苓白芍藥泄瀉者香蘇飲加白木茯苓
吐瀉胃虛冷者陳氏木香散渴者升麻湯加紫蘇茯苓
苓發搐及譫語執甚者至寶丹抱龍圓和服瘡疹未
出透者可服如出已透膚者不可服也或用防風天
麻圓亦可如一二日疹出紅點如麻子大小不一等
者輕一齊並出密甚者重並服四聖散及泄瀉者紫
草木香湯或四君子湯加木香丁香如冷戰出不透
者加官桂有驚熱出未透者快斑散治之內有蟬退

者也三四日瘡疹出不快者四聖散皮膚冷者加木
香肉桂更須活血散溫酒紫草湯調下以助藥力則
出快如欲止痛用溫熟水調下如紫色黑陷內熱者
大便秘者用龍膽膏猪心血辰砂腦子研細木香湯
調下可也或用猪尾膏亦可如內無大熱不可輕服
也常用胡荽酒噴幃帳及身上為佳不可噴面上以
辟惡氣耳又燒蒼朮降真香亦佳五六日痘瘡嫩甚
但服芍藥甘草湯定痛多服不妨却服甘露飲數服
或口內有膿瘡咽喉腫痛不能乳食者並皆治之七
八日瘡嫩透略爛方可服地黃湯大便秘者可服消

毒飲凡痘根窠紅活光澤明淨者輕如頂陷稠密灰
白色瀉渴者重無熱者可服四物湯用麥門冬防風
蟬退等劑九日十日有熱甚可服犀角地黃湯消毒
飲便利者不可服小便不通者大連翹湯加減服以
小便利為度導赤散羌活散皆可服熱甚者小柴胡
湯渴甚者白虎湯大便秘甚數日不通者宣風散一
服便可間服前藥痘瘡長足肥滿蒼臘色者輕寒戰
悶亂腹脹煩渴喘急咬牙者重十一日十二日痘瘡
當靨瘡痂欲落而欲愈也若痘瘡欲靨之間或不能
靨或腹脹煩渴或泄瀉氣促者不可與蜜水瓜果等

冷物食之即死當與木香散異功散加減用之凡小兒先發搐而後發瘡者生如瘡已瘥而後發搐或吐或瀉者死先發熱而後出瘡者存瘡已發而後泄不止者亡瘡瘥而忽瀉膿血痂皮者順瘡中有瀉血而水穀不消者逆脾胃虛也或瀉血而瘡壞無膿者亦不可救胃爛要知陽明主肌肉胃氣不可一日不强也凡出瘡疹先須護眼或用辰砂或用胭脂以塗眼眶內有紅花以活血尤妙如痘瘡入眼宜與決明散紫貝散瘡痂欲落不落則用酥油或白蜜時時潤之可揭則揭去若失潤揭進痂才硬則成癍痕仍用滅癍藥

得之切不可雞鴨卵與食食則即時目盲瞳子如卵白色其應如神亦不可再食豬肉不可不戒也中間錢氏有百祥圓下之及有用入牙之藥切不可輕服甚以為戒也不若用獨聖散與牛李膏為愈或痘瘡已發為風冷所傷榮衛不和或為宿食所傷內氣壅遏以致米硬者調解散主之如瀉不止用參苓白朮散加木香可也四君子湯加木香豆寇亦妙雖然瘡黑本為惡證治之有方猶有幸而生者至於調衛之際乳母不能謹口流毒於小兒或粥食乳哺不時使之饑虛或衣被不周致傷風冷以至閨房有觸外

邪有犯則亦水硬變懷而歸腎自我致寇又誰咎耶
能調衛者以溫散湯劑釀乳飲之謹護風寒使之氣
體通和其於粥餌則勿令飽而氣實饑而氣虛斯為
得矣然瘡曰聖瘡七日熱而發七日瘳而乾又七日
平復如舊矣若實實虛虛損不足而益有餘則瘳出
甚難如調順血氣溫和脾胃均平冷熱則瘳出甚易
調解之法無逾於此故備論之疹證初感未出而發
熱者扁鵲油劑法治之則出疹甚稀或即消解而瘳
疹不發者有之自然解散而安泰必矣

惺惺散

方見五十四問

參蘇飲

方見八十三問

抱龍圓

方見五十一問

升麻湯

方見五十二問

升蘇散

治小兒出疹發熱疑似之間以此解之

升麻

葛根

赤芍藥

紫蘇

茯苓

川芎

甘草

各等分

右剉散白水煎嘔者加半夏茯苓白芍藥生薑
煎服

香蘇散

治小兒出疹證作瀉

香附子

陳皮

紫蘇

川芎

甘草

白芷

各等分

右剉散生薑葱白煎或白水煎瀉證加白木茯苓嘔證加茯苓白芍藥

木香散

治疹痘冷證

木香 二錢

前胡 去蘆

訶子肉

陳皮

丁香

官桂 去皮

大腹皮

人參

半夏

甘草

赤茯苓

各三錢

右剉散每三錢水一盞煎六分去滓帶熱空心服量大小加減藥性溫平扶陰助陽治腹脹瀉渴如虛加糯米一撮黃芪三錢同煎

至寶丹

方見二十問

四聖散

治痘子已透皮膚未透用此藥發痘

紫草

木通

黃芪

甘草

枳殼 各等分

右判散煎服得痘焮却住服且服芍藥甘草湯
甘露飲

加味四聖散

治痘出不快及變陷冷證可服

紫草

木通

木香

黃芪

川芎

甘草

右判散每服二錢煎不拘時服大便秘加枳殼
少許大便如常加糯米一百粒糯解毒能釀而
發之

紫草木香湯

治痘疹出不快大便洩利

甘草炙少許

紫草

木香

茯苓

白朮各等分

右入糯米煎蓋紫草能利大便木香白朮所以
佐之也

四君子湯

方見十六冊

快斑湯

治疹瘡不快

紫草

犀星

人參

白芍藥各二錢木通一錢

甘草炙半錢

右劉散每服三錢煎服

活血散

治痘瘡出不快

白芍藥

右為細末每用一錢以溫酒調服如欲止痛用
溫熟水調下

龍腦膏

治時疾發豌豆瘡及赤瘡子未透心煩狂躁氣
喘妄語或見鬼神或已發而陷伏皆宜速治不
爾毒氣入臟必死

生龍腦一錢

右細研旋滴豬心血和圓如芡實大每服一圓
心煩狂躁者用紫草湯化下若瘡子陷伏者用
溫酒化下少時心神便完得睡瘡痘發透依常
將息取安也

豬尾膏

治瘡子倒靨心神不安

用小豬尾尖刺血一兩點入生腦子少許同研
用新汲水調下立效入辰砂一錢木香湯調下
亦妙

胡荽酒

治痘瘡初發時可服遶房噴之以辟穢惡之氣
胡荽一兩

右細切以酒二大盞煎數沸從頂以下含酒噴
之背脊胸腹及兩脚通勿噴面

芍藥甘草湯

方見四十四問

甘露飲

方見七十二問

犀角地黃湯

方見七十二問

消毒飲

方見九十六問

加減四物湯

治痘瘡入目或瘡收後

當歸

芍藥

川芎

蒼朮

白菊花

乾葛

羌活

各等分

右剉散每服二錢水一盞煎服

大連翹湯

方見第三問

導赤散

方見第八問

羌活散

方見二十問

小柴胡湯

方見二十九問

白虎湯

方見五十八問

宣風散

治風痰壅盛或大便緊澁肚急諸般疝氣肚急驚風痰瀉皆可服執證便秘並宜服之比乃宣利之藥

檳榔 一箇

陳皮 去白 二兩

粉草 二錢

黑牽牛

四兩半生 半炒用

右為末食前蜜湯調下一服

異攻散

治小兒出疹冷證此藥能除風寒濕痺調和陰陽滋養血氣使痘瘡易出易靨不致痒塌

木香

當歸

人參

陳皮

厚朴

丁香

肉豆蔻

各二錢半

桂

茯苓

白朮

各二錢

半夏

附子 炮各一錢

右剉散每服二錢水一盞薑二片棗三箇煎六分去滓稍熱服出疹瀉不止冷者可服

決明散

治小兒痘疹入眼

括蕒根 二錢

決明子

赤芍藥 各一錢半

甘草 一錢

右搗羅為末每服半錢水調下日三服
紫貝散

紫貝一箇生用即研碎也

右為末用羊子肝批開搽藥末一錢線纏米泔
煮香熟入小瓶內盛聚熱熏候冷取出星月下
露一宿來早空心服

韶粉散

治小兒痘疹纔愈而毒尚未散瘡痂雖落其癩
猶點或凹或凸肉起當用此塗之

韶粉一兩

輕粉一錢

右為末入豬脂油調勻塗瘡癩上欲落不落當
減癩痕或用羊骨髓一兩入輕粉一錢研成白
膏塗瘡上如痘瘡全好如痒甚俱搔成瘡痂不
落用上等白蜜塗之其瘡痂落亦無赤黑癩痕
神妙

獨聖散

治痘瘡陷入不發色黑而氣欲絕服此漸蘇紅
潤

穿山甲

湯洗淨炒令焦黃用

右為末每服半錢入麝少許南木香湯調下或

紫草煎湯入酒少許調下

牛李膏 又名必勝膏

牛李子 不以此 一名鼠李子牛謂子楮李烏 多少 是子隨地呼其名

右取汁石器中熬成膏牛李野生道邊過秋結實黑圓成穗或無生者市肆中買乾者為末水熬成膏每服阜子大煎杏仁湯化下

調解散

治痘瘡已發或為風冷所折榮衛不和或為宿食所傷內氣壅遏以致冰硬並主之

青皮 陳皮 桔梗

枳殼 炒 半夏 川芎

木通 乾葛 甘草

紫蘇 各等分 人參 減半

右剉散每服二錢薑棗煎

參苓白朮散 方見八十一問

扁鵲油劑法

治小兒發熱恐成痘瘡以此止之

生油麻 童子便 各半盞

右逐旋夾和以柳枝攪令如蜜每服二蜺殼許服畢令卧少時但三四服大小便利身體執退

即不成瘡痘之證若形迹已露則不可服也
又方

治小兒臟腑伏熱未成疹子疾候四肢微覺有
熱食物似減頭髮乾直或時額上微熱宜生油
湯劑法扁鵲及倉公用謂之神劑

生油 一盞

右令如人體溫將熱水一盞旋旋入油盞內不
住手以筋打攪候入熱水盡令勻如蜜即止夜
卧時服三歲至百晬兒每服二蜆殼許五歲至
七歲每服三蜆殼許十五歲每服三大蜆殼許

直至大人每服五蜆殼許或二天合每日飲後
良久與服服了令卧少時如三五服大小便利
四肢熱退則疹痘不復發當自安也

又方以手蘸麻油摩其背脊間直至尾骨亦驗也
紫草木通湯

治瘡疹出不快

紫草

八參

木通

茯苓

糯米各等分

甘草減半

右劉散每二錢煎服內虛大便利下入南木香
去紫草

蟬退膏

禦風邪辟惡氣透肌表快瘡疹

蟬蛻

當歸

防風

甘草

川芎

荆芥穗

升麻

各等分

加芍藥

右為末煉蜜圓如芡實大每服一圓煎荆芥湯

化下

安斑散

治調理瘡疹

升麻

赤茯苓

黃芪

羌活

各一兩

人參

枳殼炒

桔梗

甘草

各半兩

右剉散每二錢紫草少許薄荷一葉煎溫服

如聖麥門冬湯

治小兒瘡疹毒氣上攻咽喉口舌生瘡不能吃

乳

桔梗

牛旁子炒

麥門冬去心

甘草

各半兩

右剉散每服二錢淡竹葉煎服活人書云為末每服二匙沸湯調細細呷入口內含下

大和散

治小兒瘡疱及傷寒時氣病後餘邪不解發熱

生地黃

當歸

人參

地骨皮

赤芍藥

甘草 各等分

右剉散每二錢白水煎服

去瘡疹癩方

蜜陀僧

右為細末水調塗甚妙

龍膽圓

治小兒五疳潮熱面色痿黃乳食遲化日漸羸瘠

龍膽

蘆會

肉豆蔻 煨

黃連

木香

神麴

麥蘖

炒各等分

亦可加檳榔史君子

右末麴糊圓如黍米大二三十圓溫米飲送下有熱加胡黃連柴胡辰砂去木香蘆會肉豆蔻一方用龍膽黃連青皮史君子等分末猪膽圓此方原在八十四問後

疳積圓

治諸瘡有蟲

百草霜炒

雷丸

蕪荑各三錢

巴豆

去殼一兩淨去心膜不去油

右為末既上飲圓如粟米大一方黃丹末每服一圓空腹米飲下一方青黛末此方原在八十六問後

治嗽合膏圓

亭麝

炒微焦

知母

貝母各一兩為末

十粒炒去巴豆不用

右先將亭麝于搗成膏次入二味以棗肉半兩

搗勻入沙糖圓如芡實大每一圓綿裹嚙津甚者三圓此方原在五十八問後

畫眉膏

山梔

十五箇炒存性雌黃

辰砂

輕粉

右另為末和勻香油調成膏何兒困着時畫上眉間便不思乳十分難斷者不過再傳即不食矣

治小兒乳嗽

杏仁

桑白皮

核桃肉

半夏

甘草 各等分

右生薑薄芎同煎此方魯仲德抄吳氏方

大連翹飲

多羌活一味餘並全

化風丹

荆芥

黃芩

防風

羌活

獨活

天麻

南星

膽製

川芎

各等分

辰砂

減半

甘草

減半

一方加白附子蝎蚕三味尤妙右為末蜜圓如
芡實大每服一圓薄芎湯化下

玄參劑

芍藥

玄參

升麻

地黃

甘草

黃芩

龍腦葉

山梔

連翹

等分

右為末蜜圓辰砂為衣圓如芡實大每服一圓
薄芎湯化下

四聖散

黃芪

炙

痒加當歸嗽加桔梗

紅綿散

合用甘草

全蝎

天麻

蘇木

麻黃

荊芥

硃砂

熟加防風

僵蚕

南星

乾薑

胭脂

各等分綿包生薑薄切前服

天麻圓

治乳嗽

天麻

辰砂

防風

膽星

各一錢

天竺黃

白附子煨

坯

雄黃

蟬退

僵蚕

各半錢

川芎

硼砂

各七分半

右為末蜜圓金箔衣加牛黃腦子圓如芡實大
每服一圓薄切湯化下

辰砂七寶散

無白朮八味

常用藥方括

敗毒羌柴獨活前芎苓參桔及甘煎疹加風
奇弁蟬退腰痛桃仁任意添

五積六蒼三桔梗兩半麻陳枳殼弁壹兩朴
薑三分夏歸芍芷桂及甘苓薑煎加入柴朮

目參朮同成輕骨名

調中苓葛藁甘苓芍梗仍蕪白朮平杜熱惡

風奔入利或時脉數此為靈

參蘇苓夏葛前三枳桔陳甘呆二參薑棗煎
來隨意服大能發散更消痰去却參呆芎用
四前柴互換亦相堪名香蘇散

平胃甘三陳朴膏八蒼薑棗或鹽調不換金
須加薑夏春胃參苓果莫饒

消風百解芷陳荆蒼木麻甘薑便成

金沸麻前各用三芍甘夏一四荆參或除麻
葛換辛袞同治傷寒嗽有痰

梔子仁知芍大青四芎高杏及苓升八蕪柴

六甘須二陽毒傷寒薑註成

解肌甘一芍苓二桂一甘三葛四煎壯執惡
風身體痛脉浮無汗此為先

香蘇四分陳皮二甘一或加芎芷煎更入麻
黃升芍藥十神只要葛多添

柴胡石膏須用四葛芍柴胡元不異升二苓
桑荆芥三薑豉同煎古賢置

姜茹二分高須四葛二微羗和蒼芎甘與青
呆同葛數水煎對證有神功

縮脾砂果梅甘二豆葛祗消一分參水者暑

傷還取證來看

小續命湯

木參芍藥同防已麻桂甘苓二分童防一風
三薑棗者剛柔二痊並能攻
烏方不用白
木用杏仁
八解胃君四同去蒼加藿

五苓猪茯苓皆三瀉五還將桂二參

乾葛二芍餘並一參木苓呆甘藿參此是小
方白木散渴兼吐利變風癩

薄芎四芍羌蝎麻甘蚕一分亦同加竹黃白
附還須二薄芎湯調驚熱差或去蝎蚕天竹

附柴芍芍梗代九佳

紅線散

麻蚕芍止天麻二蘇木甘全蝎一科綿煎對
證明加減愈却傷風咳嗽驚

大連翹飲

連翹荆芥通車芍歸活風柴蟬共甘等分捲
苓還減半前須紫草正相堪

知母乾葛湯

知母三錢乾葛八六高麻四五姜蕤甘苓風
活星昏一呆杏升參芍不殊

排風三味先為主獨活麻各三分同杏仁等
歸甘桂芍鮮皮二分共防風薑錢作使煎來
服五臟風傷盡解攻木香流氣廿三版十六
陳皮夏獨單通四若加檳果霍丁皮呆桂腹
遂三朴蘇甘附青皮八餘藥皆同二分參苓
朮麥瓜菖與芷棗薑作使藥方完滑利米煎
葱解表婦人艾醋血癥安一方去霍沉香代
枳換苴蒲必炒乾增入大黃能治體總詳廿
四請詳看

治眼方

梔子

黃柏

黃連

黃芩

右四味搗為細末貼在碗底用艾火薰之取起
稍加水用帛蓋水上取青水點眼內立効

治心痛

白烏鴉糞

五錢曬乾研細羅成麩

松粉

五錢研細

右用葱根汁將前二味合勻為團如桐子大黃
丹為末每服五圓溫醋送下已腥冷硬物三四
日立効

備急經驗方

治破傷風極有神效

余昔聞本縣大尹張公曾言吾有一妙方專治破傷風單只一味極有神效用人家糞內蟻蠅蟲一箇爛草房上亦有之將他春背用手攪住持他口中吐水就擦抹在瘡口上覺麻身上汗出無有不活者及今余家第四子忽於額上跌破一處七日成風急尋此蟲治之時間汗出就好余有感於此不敢隱昧恐損陰陽就刊此傳之將蟲用過還埋糞內

治搭背瘡極有神效

用生蜂蜜和生麪為餅貼於瘡上待餅乾再換

三五次即愈瘡有口者將麪餅亦口上貼之
治小兒痘疔極有神效

用珍珠生為細末

豌豆燒為灰細末

頭髮燒為末

濕胭脂生用

右量疔瘡多少加減為用將四味和為一處先用簪尖撥疔口次將此藥貼入疔內即時大小瘡皆變為紅白色而無有不活者大凡人家小兒出痘瘡若灰黑頂者十八九死為鄉人者不識內有痘疔又不曉治法故也余昔日曾訪問諸多良醫皆言痘瘡未出全者有藥可表及瘡

出後有灰黑色塌頂者皆無方可治之今要認
出黑色內有瘡大者為疔或瘡內有疔線者為
疔又有瘡內臭氣者為疔亦有數等若依此方
治之立有神効此方治好多人倘有好事君子
傳寫四方貼於街市而共治之則福慶延長子
孫保安矣

又方

治小兒出痘

穿山甲剉細用蚌粉入銚內炒令焦黑色存
性研細入麝少許每半錢一錢溫酒調服其

效如神雖遍身黑而欲絕亦能甦省而發紅
色

小兒瘡疹不透陷伏危困者

人牙齒三五箇炙令黃為末乳香湯調下燒
過為末溫酒調下亦可服諸片時其便透發

治痘瘡後眼方

羌活

防風

川芎

各二錢半

甘草 二錢

木賊

萊菔殼

荊芥 各三錢

蟬退

谷精草 各二錢

蛇退

雞子殼薄皮 一錢

右為細末茶清調下食後日三服一應障翳皆
可磨退

治小兒夜啼

燈花 七箇

硼砂 一

字

硃砂

少許

右研極細末蜜調成膏候小兒困時以少許抹
口唇上

嘉靖十九年十二月

日禮部奉

旨校正刊行

嬰童百問十卷終

書嬰童百問後

嬰童百問方書先是

制下禮部校刊既成時音適奉

命南畿之後戒行偶得善本遂藏諸笥焉

比至八公餘閱之見其分類詳悉考究

精當誠為幼科之珍寶是雖家置之

可也顧刻在宗伯郡邑鮮能得之而

况於遐陬僻壤也乎乃移檄太平府
重刊以廣其傳不兩月而告成焉然
則我

皇上仁愛之施將無遠弗被太宰公不自
私之意亦因而衍矣敬書數語以識

嘉靖二十三年春二月望日巡按直
隸監察御史汲郡陳與音謹書



